

Seydi Rohu Laay kula woy am ngërëm fi Jannati

Bismi Laahi may bëgg woy Seydina Limaamu te woy
Rohou Lâhi ndax kuka woy am ngërëm fi jannati

Deglu leen ma yeen ñi nélaw ci jamaana wax fi ñu aw
Ba gëlëmté reer nanu faw bi imaami rahmati

Waaja séentu mahdyu moom té gisoon mandarga ya xam
La mu janga woor ka ni moom moodi zul kiraamati

Ndax bidiiw ba fèñ ca soloy maam limaamu fèñ na di lay
Gaaya janga gis ko ne mooy daalu zul Alaamati

Mooy mandarga mahdyunaa Maam limaamu wooté munaa
Nane ka muñ bésam ya mu naa moodi zul alaamati

Bés ya ma ñu ñëw diko laaj mu muñlooti gaaya ka laaj
ñetti weer ni leen bunu aj sunu mbir bi subhati

Wéér ya ma muna nanu jëm ñetti at you mat banu xam
Bukay wéésu xam léén né moom moodi zul alaamati

At ya mat Ñu ñëw muni leen ma ngi waat bou féké ni njiin
Mooy limaamou seydu zamaan la asiilu xaryati

Daldi dug gaal ga di dém aatif ba wax ka soloom
Waat nga lakka moy nga limaam fiika laanal xusrati

Doora binda létar té naa ka jogoon di waat lak naa
Yéen ñi dés niléen aamana bi imaami rahmati

Gaañi yéewu léén ci mbirëm ku xamul na laaj ñaka xam
Ku kiñaan nga gén ca moom bil huda mine subhati

Gaagni séenu mahdiyu ñoom té ñu janga gis ni judoom
Aama Anrasin té imam ñëw fi chahri Idyati”

Boo yëré masarixu xam li max té déésula jam
Bul wérantéék waaju gëlëm soobu fil juhalati

Maam limaamu ñëw na ba fééñ déglu léén ma wax fimu fééñ
Aama Aasasin cala fééñ gaña bañ di séenu ti

Gaañi woolu léén baña jum Maam Limaamu am na ngërëm
Moom mi feeñal yoon wudi jëm daaru Zil salaamati

Maam Limaamou laaya toxal seen xërëm ya daldi saxal
”Bi tawhiidi Rabbi kamala jalla an sari kati”

Baatub laa ilaha illa laah la saxal di wooté lilah
Dalni aajiboo daya laahi wuyu leen li dahwati

Mu taxaw di wooté ca kaw gaaña bañ mu yekki ca kaw
Ruuhu naa kilee ma di aw mooy maal Bi dahwati

Fekk naa ñi janga ñu naa mahdyoo di seydi zamaan
Té isaa di wuutu makaan ba fii bahdi nusxati

La ñu wax moyul dafa am Mahdyoo di Seydi lu maam
Ruuhu laaya wuutu Limaam fii balaaxi dahwati

Ñoo waxoon Isaa di jullee mahdyam ndéém joknafa lee
Am na, Ruuhu laaya julee bi Imaami rahmati

Gaañi yeewuleen baña juum gëm Limaamu ak xalifaam
Seydi Ruuhu laahi ku ka gëm am gënëél fa jannati

Mahdyoo ngi woote ba wéy tekfi ruuhu laahi mudi lay
Gaañi rééré leen bañu wéy yaxtafoola zaarati

Yeewu leen te xamne Limaam ak Isaa ku leen boolé gëm
Yàlla Buur ba fey laka ndam min sawil kiraamati

Gaa ñi gëm Limaamu te gëm Seydina Isaa fu ñu jëm
Am téraanga boole ca ndam Min zawil Kiraamati

Soo yaboo teral fuñu jëm fuñu wacc am na ñu ndam
Ñoom ñi boolé ñaari ngalam tey xayaarul ummati

Seydina Isaa di ngalam wuñu segg am na ngërëm
Defna fiy jaloore ba dem huwa zul kiraamati

“Huwa samsu laysa lahu “Fii zamaani zaa misluhu”
Ya Uxayya xuz annahu kanzu zul hinaayati”

Am na diine moodi kamaal Al hassibu zeynu fihaal
Samsu diine suux na huwal hafu zul Kiraamati

Moofi daan défar lu jubul lufi yakku seydi jubal
Boo bañee ñëwit mu yabbal ku ca dem fi saahati

Yàll Buur bi rus na ka moom nasaraan du weddi waxam
Moodi gar ku nekk fi moom woolu dootu jàqati

Boo defee lixuur ba gëlëm ci sa mbir ba seet ba xalam
Doo xalam ludul beg dem Li isaa fii saahati

Boo ñewee di laaj si ndigël Seydi jox la gën je ndigël
Boo jëfee la Njool ma digël doo fa jog di réccu ti

Waja ñew di laaj si ndigël dellu wor la Seydi digël
Kooku dootu jog ci mbugël dootu am salaamati

Bu demee ba soobu ca biir ba borom takkaay ya di door
Xel ma dem ca Seydi mu suur ku mu am fi saahiti

Moo fi doon leeral fu lëndëm ka misaalil badri tamaam
Ruuhu Laahi Isaa ku ko gëm xaw ma looy xalaatati

Waa ju gëm libaas li ko war jaamu Yalla moom kidi Buur
Boole Kawfi ak di yaakaar Fi nahiimi jannati

Seydina Limaamu da noon jaamu leen bu leen defi noon
Dimmëlënte koon lu nu ñaan din a al bi surhati

Bul di geesu waa ja gëlëm ba di gaaral Seydi Limaam
Loolu moodi tooke ci moom ju di jëm xiyaamati

Bul di xasté bul di bonal yoonu kenn bul tilimël
Jëfi kenn koon nga jubal yoonu seydi saadaa ti

Xaala laahu rabbu samad fii kitaabihi zil majiid
Lanu farix beyna ahad min rassulil hismati

Bul di xotti diiné té bul xotti worma kone nga kamala
Bul di reylu kone nga jubal Bi tariigi jannati

Bul di seet ci waaju la sut, bul di xeeb it waaji nga suut
Yalla moodi buur bi fi suut moodi zul xahaarati

Bul di seet ci man mika wax ndax dama jubul badi wax
Na nga seet manaam lima wax kon nga am hidaayati

Bul di andak waaju gëlëm bul di noonu waaju di xam
Kone nga soobu yoon wu di jëm daaru zil salaamati

Ruuhu Lahi waziiru Limaam Mahfiyun la ñëw nab a dém
Gaaéna doora lëntu mbirëm Yaxtafoo la saarati

Moom la xam ba feeñal jëmmëm ci kayit ngir képp ku xam
Boo gisee wasiiru Limaam woolu dootu lëntëti

Gaayi gis mandarga ya xool gis jëmëm ja naa kee di njool
Ma ñu wax ni moodi matal wal hudaa bi dahwati

Gaayi yeewuleen baña juum Seydi Ruhu ñëw na ba dém
Seeti leen rakkam ja mu am baña jomba tuba ti

Seydina Manjoonay jubal ku fa ñëw te namma jubal
Du la tek ca jëf ja ludul farlu fiil Hibaadati

Am na diiné muñ na te moom ngor ga mat na am na ngërëm
Xol ba yaa na mat na imam am na ndam fii taahati

Moodi gééj gu fees ba di fuur ba njaa àlla yaa ngi ziyaar
Yaa Uxayya nanka ziyaar moodi zul kiraamati

Ndax njanaaw la ñëwna ziyaar andak gaa ña ñëw di ziaar
Ba mu doynu kullu ziyaar han zawil kiraamati

Muhjizaat ya feeñ na ca moom boo xamoon la nekka ca moom
Koon nga dem tuubaati ca moom moodi zul kinaayati

Yaw mi gëm Limaamu te gëm Seydina Isaa dellu gëm
Seydina Manjoon kula xam mucc min halaakati

Gaayi Njiin ku leen masa xam mbaa nga gis ka sopp jëmmëm
Am teraanga "yowma zihaam génn min Xusaarati

Yàll na Buur saxal nu ci gëm te jubal nu yoon wu di jëm
Hiliyiina daaru nahiim maha Seydi Saadaati

Wa salaatu maha salaam Han nayiiy xayri la naam
Zumma aali laysa yariim Abadan wa sahbati